



220171

kat.komp.



Mag. St. Dr. P

Teol. 5413.

Terstkonik Thomas Antonii: Fons Solis d. Tho.  
mas Aquinas, Angelicus Doctor.







FONS SOLIS  
D. THOMAS  
A QVINAS

ANGELICVS DOCTOR,

*Annua suæ festiuitatis recurrente Die,*

In Basilica D. Dominici Celeberrimi  
Conuentûs Posnaniensis, in Au-  
gusta Amplissimi Auditorij  
præsentia

*Academico --- Officiosa de Rostris Panegyri  
per*

M. THOMAM ANTONIVM SERTKOWICZ, in Alma Vni-  
uersitate Cracouiensi Phiæ Doctorem, & in Lubransiana  
Posnaniensi Academia Rhetorices Professore

C O R O N A T V S.

*Anno Oriente in Bethleem Sole iustitiæ Deo, & Romæ manante  
Olco Fonte 1685.*



P O S N A N I Æ.

Typis Adm. Rndi D. ALBERTI LAKTANSKI.



In Gentilitia Arma Illustrissimæ Domûs  
R A D O M I C C I A N Æ



220171 III

E P I G R A M M A.

Solis purpureus color olim Regibus actus.  
Gaudet coccineis Sola Corona gyris.  
Cur tamen hic nitidus rubeo clarescere CAMPO  
Promeruit Korficz, si cupis, ista legat.  
In Patrios scilicet Regali Marte tonando  
Hostes, hoc fudit per sua PRATA decus.

Vladislaus Franciscus Radomicki  
Fratris Amantissimus  
Schola Poëseos in Acad: Posn.  
Studiosus.





ILLVSTRISSIMO & MAGNIFICO DOMINO

D. ANDREÆ ALEXANDRO

à Radomicko

R A D O M I C K I

Castellanidæ Calissiensis &c. &c. &c.

Domino & Patrono Amplissimo

Ipsò annuæ Festiuitatis Patroni Sui die

Auctor S. & P.



**S**patioso Oratorij profluuij lapsa, non exiguas Diui Aquinatis laudes, latepatientem in Orbem diffundere satagens, tanto maiores clarioresq; effecturus reor, quanto auspiliorem suaq; Victoriarum dibapho ubiq; respondentem in patrocinium assumo TVVM CAMPVM Illustrissime & Magnifice Domine. Mysticus extra Lybiam, Lybico supra comparationem prastantior FONS hic meus, Vastis currens profluuiis, idè per Gentilicium Illustrissimæ Domus Tux CAMPVM, lacu in mundū, mundè diffuere contendit: quia in Illo amenissimum sibi molitur cursum, dum roseis riparum coronis vring; stipandum: placidissimum lapsum, dum pacificis & condecorandum prastolatur Togis, imò & ornatum intuetur. Nec illum aberrasse fateor, longo licet intervallo collimaves, cuius sub tutela lucem hanc inuiferes, cuius per sinum beneuolentia blandè sparsans, Zeilorumq; irridens procellas, limpidissimis flexibus suis, mortalium instruat corda, cum & hodiernam Diui Tutelaris Tui ANDREÆ altius irutinans intueor solennitatem. Qualiter enim obstantibus excepta flumina excipulis, blando susarramine remuginat, auidasq; subaudientium arrigunt aures, taliter hunc TORRENTEM meum suavi strepitarum concentu non dubito, dum Gentilitia in Planitie Tuae, Salutari innixus Signo D. Apostolus, illos supplebit obices: per eosq; optatis eundem defluxurum fluxibus, incundiū non in acie tantum oculorum appariturum, ast in aures, dulci cum susurro, imò & in pectora cunctorum influxurum, comitabitur. Neq; fallenti id tribuendum quispiam retur fortune, sed Magnis virtutibus Tuis concedendum, cum Montibus de Sanctis, quia Cælestibus, ruas Tui in Sinum KOTPICZ, FONS hic Diuinissimus. Suauiores enim & toto Orbe clariores grandi susarramine, suos cum Tuis heroicos actus ut efficiat afficiatq; æternā gloriā, libens cum properatione delabitur. Magnitudo animi Tui adhuc in Iuuenta, erudita Palladi Iagellonico in Parnasso litantis, adeo Virtutum speciminibus, Vniuersorum ad se, non sine stupore, alliciens




alliciens mentes, rutilabat; dicam verius, splendebat & fulgebat, ut dudum  
conceptam de se omnium expectationem, non impleverit modo sed antequam. Quem  
Eurippi gurgis capere nequinit, quia Amplissimum Aristotelem. Tuus Gentilitius  
capit CAMPVS, in tot Doctissimorum Virorum Senaculo, dum subtilissima argumen-  
torum dogmata Sclerti Tui toties, discidisti prudentia. Aliorum Orationis torrens Rhe-  
torico sese diffundens stylo; Tuas dulcissimas, quae personuerunt multoties illis Magnis  
adstantibus Scholae Regni Viris, Orationes, mare eximiae eruditionis fuere. Vbiq; illud  
in Te resplenduit Virtus, quae Te in praetexta Togatum testaretur, in lucentia Ma-  
gnum Patriae Ciuem, quo nunc letatur, futurum loqueretur. Enimuero non Vistulam  
Lechia, quia ut Tyberim biberet etiam CAMPVS Tuus actum est: ergo Hesperia ut  
Te Veneraretur, illuc de Amplissima excedis Patria: ubi eam hausisti scientiam, le-  
gum morumq; nactus es praxim, quae Te Verum Poloniae Filium, de Nationum ex-  
terarum integritate bene erudirent. Inde quae eruditione expolitus redisti non unius  
mei calami est, quae fatigat omnium mentes, ubi quae antiquitas in miraculis suis loqui-  
tur, miracula, illa in Te uno nobis Omnibus eadem referunt. Magni Catonis Illu-  
strissimi Tui Parentis Magnum sic expedit Filium in altum procedere, ut altius  
in eminentissimas prodiret dignitates Patriae, inde humanitatis in omnes sparsurus  
ampliores radios; quos & nunc diffudenti Tibi Mysticus petit nancisci FONS, ut  
quam testor semper, eam amplius praedicem in Te benevolentiam. Certè enim  
Saxo pertinacior forem, si tot fauorum ictus radijs, silere pergerem, qui memini uno  
tantum solari tactum radio marmor Memnonis, in Voces erupisse; praesertim quum  
nihil tam accommodatius reperi ac Fontem hunc Gentilitio Tuo CAMPO indu-  
cendū, ut madefieret illius benignitate; nihil simile quam susurum eius suauissimum,  
qui unus ac totus virtutum omnium pridem es concentus. Animus Tuus, qui dudum  
in humanitatem integer transijt, non poteris non humanissime excipere allabentem  
FONTEM istum, quia cursurum dulcissimo cum susurro sacros D. Patroni Tui  
per obices: & rosea inter PLANICIEI littora, decus sui ut irriget. Ergo pateat FONTI  
huic Diuinissimo Gentilitius CAMPVS in gloriam, in profluum, Oceanus meritorum  
est, Oceanus & honorum in magno hoc CAMPO ast & FONTI dabis locum in eo, vel  
ideo quodd Sanctissimus sit, nec facile exhauriri Valet. Suscipe ad annuam D. Tutelar  
festiuitatem Diuum in gratiam Doctorem, Sacrumq; dicenti D. ANDREAE Salue; Tui  
obsequentissimi grata digneris aure excipere Vale.

ILLVSTRISSIMÆ & MAGNIFICÆ Dominationis  
Vestrae

Addictissimus Seruus  
& Infimus Clienſ

M. Tho. Ant. SERTKOWICZ P. D. P. R. P.





# FONS SOLIS

## D. THOMAS.



Ridis non pauca cernens squalentia supercilijs  
 Venustaſq; rerū ſymmetrias vetuſtis decoribus ex-  
 tas conſpiciens, caliginolum ipſe concipio luctum  
 AA. Diuturnum ſubindeq; permoleſtum in Orbe  
 Polono ſicci elementi dominium, ingensq; ac perin-  
 de genti noſtræ luſtuola primarum luſta qualitatum,  
 non tantum olim feruentibus Syriorum debaccharionibus germi-  
 nantia ac fluitantia, quæq; languefaciendo pruinæ ſauillæq; ſimillima  
 fecit, ſed nunc quoq; nil laxato tam ſæuo imperio, imò amplius elu-  
 xatâ in Regnum hoc ſæuitie, etiam imbriferâ, fluuiatilium piſcium  
 nimboſiq; Aquarij demprâ naturâ, vix iam aliquid ſtillarum,  
 ad abluenda ſaltem heſterna Cinerum ſacra reliquit, dum  
 ſacra fame non flumina duntaxat, ſed ſerè ipſos profundos, fluminum  
 fundos, dira ſiticuloſi Aquilonis ſæuitie, in meram glaciem, brumæ-  
 rumq; rudera coagulauit. Pleiades ipſæ atq; Hyades naufragos olim  
 ſolitæ generare fluctus, hætenus nec ſtillare potentes, fruſtra  
 toties tentatis Viribus, in exortuq; ſuo occaſum conqueren-  
 tes, ius ſibi proprium aut violari aut impediri ſicco incuſant  
 eiulatu. Horridus demum immenſi Arbitr pelagi, plurimis  
 alias imperitare potens, ne quidquam eatenus ſæuo proficere  
 tridente, nam qui antehac vix glaciabilis legitur, nunc  
 magno tergore preſſus, dum ad leucas aliquot Balticâ arctatus glacie,  
 nauales fluctus in niuales ſuſpirans deſciuiſſe luctus, mitiores aſtuo  
 potentis Fratrſ expectans Fauonijs, impotens vindicare præiu-  
 dicium, tacitoq; pectore, non tacitum voluens dolorem, arido an-  
 helus ore decumbit. Ita ſanè quibus adhuc feruidus Phaëton per-  
 percerat, frigida nil conuiuet bruma: quibus æſtium indulſere ardores  
 hyemales reliquam iacturam parant rigores. Iplum iam irrigandæ  
 telluri Sarmaticæ, abluendisq; cinereis ſqualoribus optaremus tra-  
 ducere, minusq; perhorreſceremus Nylum, ſi regiones noſtræ in  
 Ægyptiacâ fertilitatem ac temperiem degenerare poſſent. Sed quouſq;



querulis vocibus exotica ariditatum leuamina remediaq. imploramus, cum iam ipsis palpebris domestica hauriamus; Ille ipse quem in annuo redeuntem orbe Venerabundis hodie reueremur poplitibus, gratulabundisq. possequimur mentibus, Diuus Angelicus Doctor, vel in solo Aquinatis nomine quasdam saluberrimas gerit representatque aquas. Sollicitas amplius siccitatum exuamus curas, dum in ea aquarum paucitate tanti patrocinium Diui, cum dulci quadam tempestate occurrit. Et quoniam inter innumera eius encomia, etiam ad Aquinaticam Petram, Academicâ sermonis allusione ab hac olim exedra iidem honores allidebantur, optimè rebus meis consultum habeo, dum aquarum occultatricem Petram in Aquinate prospicio. Huc mihi huc celeres volate Pegasi, Bellerophontem agere non tardabo, si celato in Aquinatica Petra Heliconi solidissimas soleas non tardaueritis ad mouere. Non nouem tantum, sed Vniuersis Lechiæ Musis, Musarumq. Fautoribus prospicietur, dum latens tanta Hippocrene in scaturiginem resoluetur. At obstat sacræ reuerentia Petræ, grataq. pietas osculis potius sugere, quam ungulis cudere suadet. Ergo ego ad Aquinaticam reuerenter accedens Petram, bono omine præsentibus anhelantis Poloniæ succurram proderoq. desiderijs, dum solâ Oratorriâ lambendo linguâ, non vulgarem sed Lybicum Solis eliciam Fontem. Tremula festino voce in Tui adorationem Diuinissime DOCTOR, & loquor hæsitanti in precibus lingua ad Petram Aquinaticam, ut mihi dentur Aquæ, erumpatq. de ore meo, in sonoram æternæ gloriæ laudem, Tibi debitæ facundiæ torrens. Tu modò in-exhaustæ Fons Sapientiæ, irriga rore Tuo arida oris mei labia, ut quidquid dicam in sacri Nominis Tui decus, sub Fontis gloria, totum fluat, si non in gemmas coronamenti Tui, saltem in tributum officiosæ pietatis nostræ. Per saxolos torrentis Oratorij anfractus concussa, nec tamen limata lingua mea Tui Aud: Deuor: pacatam peteret attentæ auris requiem, nisi à me pro eadem sacri Fontis, placidissimus cum susurro sonitus, Tibi supplicaret.

Quam operosam negotij molem, mollibus meis imposuerim lacertis, Fontem Solis è Petra erumpentem Aquinatica, Diuinissimum veneraturus stylo impari Doctorem, Vos tacita cuncti meditamini mente, ego liberâ palam fateor AA. Admirabilis enim saneq. stupenda Fontis in Lybia Solis natura, matura ingenij lance rectè penu abditorum vocata, vel idèò maximè

*Quod rigeat medium quum Sol accendit Olympum,*

*Et nascente die, tum deficiente repescat,*

alium verò silentium, cum tenent omnia, feruida scateat lymphæ,  
quantum



quantum mundo stuporem, vniuerso sapientum cœtui scrutandi & materiam & difficultatem, non meo tantum, quod nullum est ingenio, rite comparauit, ipsi Tyresie pater. Non enim plus manifesti in se reliquit, præterquam se vocari à Sole, ob sui directionem: nec maria detrectare ob venarum refluxum sonorum. Agam tamen hodie, exigente istud debiti officij tributum Doctore Sancto, in ausu Icario ipsum Vlysses, tantò cum grandiori nisu, quantum cum fragiliori constantia, exigua eloquij cymba & profundum Aquinaticarum perfectionum pelagus, non solum Fontem sulcare, quasi cum procellis rupem, aut cum Aquilone Caucasum, tentaturus aggrediar. Primùm itaq, manantis Angelici Doctoris infantie scrutaturo profluuium, ubi non minùs communis hominù consensus, quam verè bonum vaticinij oraculù, nam à Bono montis Rocchæ Siccæ Anachoreta, vnde meritò è Petræ fundamentis, vel ipso oris sonitu scaturigentem, Aquinatice obseruatam, non in vastis alicuius Regionis spatijs, aut in beatitudinis Regno, adusq, inuidiam aliarum Nationum pulcherrimo, altero mundi Paradiso oriri, & demonstrant & testantur, contentus subsisto. Ita equidem, non aliunde etiam oportuisse Fontem hunc limpidissimum emanasse, nisi è Paradiso: nec ab alio proclamatum fuisse, nisi ab Asceta Diuino: cui Diuinitas ipsa prototypum Virtutù, perfectissima norma agendorum, mensura gratiarum immensa, erat futura. Quem ipse Doctorum Sapientissimus sceptris ac diademate Sapientie, non tam oneraturus, quam ornaturus erat, vt orbem vniuersum sapientià illà irrigaret: Ipse Sanctissimus, largas pietatis ac Sanctitatis instillando gazas, daturus, vt toti mundo prodesset: Ipse infinitus, magnitudine rerum dotaturus, vt latepatienti superfici ei terræ suam ingentem fecunditatem elargiretur. Simulatq, constitit vniuersis per Diuinum Haruspicem, belle in deserto, ad rupem non Horeb Moyse, sed Petram Aquini disertum, Fontem Solis, ex abyssu gratiæ cælestis erupturum in Orbem: extunc quicunq, in vrbe, imò orbe etiam Aquinatum erant affines, augurio optimi boni crescente, prægnantes pignoris spes, ex somnio Theodoræ Matris non vano concipientes, quia MVNERIS Dei, non minus tristi Ecclesiæ ob Heresum spectra absorbenda hilaritatem, ab ortu nouæ fortunæ, quam alumne opem familiæ expectabant. Nec temere sperauit tantum genium, occultis *Votis*, publica optans commoda, priuatus conuentus: nam lunonis Lucinæque exceptus gremio hospes desiderabilis, gratas vna secum Charites, charasque orbi Gratiâs aduexit, importauit. Voluissent licet tum vndis suis & arma, & corpora fortium virorum Idæus



Simeis, vel fatalis Scamander, Græcorum Fabulis memorandi amnes  
alijque etiam præter hos Quiritum purpureo nobiles Sanguine,  
æternam hinc aucupantes famam; feliciori cursu, illo die, scaturi-  
gentes Gentilitij Aquinatum latices, triga Gratiarum, per remotissi-  
mos licet iam sæculorū tracto, Vastū in Oceanū Sanguinis, magnis  
Classibus, tot Colonias Virtutum veteraq; decora inuexerunt, à ca-  
taractis suis ortum Fontem auspicantes, æternū illius duraturi  
nominis plenā, planēq; oneraria futuri Classe ornamenti, sese ex-  
onerabant. Fontem Solis Lybiæ à Titane regi Sophorum docet  
litera lituraq; Cosmographorum comprobat. Fons noster iam vel in  
ipso ortu Fons Lybiæ, Fons Solis Soli vt responderet in cursu, æquē in  
suauitate Soli Iustitiæ Deo, en noxā originali abluitur, nomen Abyssi  
fortiens, quia Thomæ: vt lymphæ eius à grauido sapore peracer-  
be amaritudinis contracto, ex nocte deprauatæ naturæ in Lybico  
nectareum degenerarent. Iecit Pusio noster duas & quatuor Tesseræ  
A. A. Spiritus enim Domini cuius est ferri super aquas, dividendo  
trifariam aquas ab aquis, omnia virtutum sanctitatis ac sapientiæ  
dona, tribus Gentilijs eius Riuis inspirando, effecit, ut Aquinatici  
Latices limpidissimi, perenni in æuum fluxu & flexu absq; infontis  
cali inuidia, bona, in altum omnis perfectionis opera, deducētes:  
trini in vno Thoma, Trinitatem in vno Sanctissimam vt venera-  
rentur. Ad Fontis istius primo erūpentes in ortu riuos, euanescente  
& cedite, nisi fortē iam cum fabulosæ antiquitatis delirijs euangisti,  
ac cessistis Arcadici Lycæi fontes, dira siccitate pressis accolis, suis  
undis salutares Adiunt iam nobis adsunt hodie, felicioni omine,  
arida mortalium pectora, adustaq; Gymnosophistarum ingenia,  
Diuino Fontis huius diluvio irrigata, quæ hic latepatens mundus  
adorabat beata, quorum sæcunditate saluari & lætabatur & lætatur.  
Verū nec maria in Fonte Solis nostro videbant nō inesse suas inditas  
sibi naturales venas, quum toto impetu cum sonitu ferri, totis  
conatibus properare in eorum altum, toto affectu marianas venari  
gratias, Pusionem intuebantur. Riuli namq; illius vix diffundi cæ-  
perant, en extollens tenellos sui latices, amplexu ruit in maria,  
absorpturus non aucturus mare gratiarum MARIAM exiguo schedulæ  
deprehenfam fundo, idē ad præiens Pusillus maria absorbens, ne  
post uniuerso orbi hauriendus deficiat. Ast lodes amoenissime  
Fons noster, quæ Tua audacia, quæ animositas, totam intra Tui  
latices MARIAM claudere festinas, cui comprehendendæ nec  
vniuersus sufficit Orbis. Iam hæc iam & Cælorum scopulos, nomen  
suum, quod petis, vt oleum cum suauitate effusum præferens, trans-  
gressa, & Tu, intra scaturigenti primū Viscera Tua comprehendere  
eam conaris. Diomedes & Vlysses in rebus difficilibus valent,  
vtere



utere consilio, nec desideres tam ardua, sic dum ruis ne obruaris. Comprime Tuos Gentilitios latices, pia licet cupiditate ætuentes; sanè facilius terram conscensuram æthera ne desperes quam intercipere Gratiarum Mare tam ardentem speres. Humum post longam iactationem videmus Auditores, iam ergo plaudamus. Vicit Fons Noster, vortices intra suos dum vasta maria clausit. Videat hic mundus, stupeat Cælum, miretur terra, concipientes auguria; si tanto ausu aduersus maria iuit, quæ absorpsit, quanto impetu in omnes recalcitrantes infusæ doctrinæ Sponsæ Christi, & plures in sectas quàm Gniden Cyrus diserpentes, ut eisdem absorbendo tollat, editurus. Audiant hic pietatis & sapientiæ prodigiū evoluta sæcula, audiant sacros conatus, quos omnis etiam ætas stupore attonita venerabitur. Aeternarum mentium arbitrio erumpens, quia ultra omnia humanæ ambitionis fastigia erat prouehendus, erudito Cælestiū gratiarum Magisterio in spem sanctioris literaturæ SSmæ Matris, Sapientiæ Sedis, nectare nutriri quoq; debuit. Ut enim diffusa sui virtute transcenderet infernalis columnas Herculis, confunderet vana seclorum eiectiones, coactoque in Supremi Numinis ditionem iniquitatis Orbe, sacri Herois vota assequeretur, lactabatur hac dulcissimâ escâ, educabatur hoc suauissimo cibo, quoquo pharmaco præstantiore, imple totæ Ecclesiæ, quid Ecclesiæ? toti Orbi cessurus in potum, quia & in Fontem. Sed tam profundis, altiora Fontis nostri scrutentur fuda. Benè utiq; Falsijs euolutus Thomas, prima innocentia rudimenta, Virtutum simulacra, priuilegia sapientiæ, in possessionem, Cælesti è Sacratio, Benedictinorum namq; Cænobio, auspiciaturus, recta illuc quinquennalis latices suos direxit; vbi infantile nihil præter ætatem, nihil imbecillum præter corpusculum, prima exhibens glacie indicauit minor adhuc Aesonides, sacro illo in Palladio pulvere, Candidæ SSni Parris Dominici Familiæ, quàm candida sanctitatis ac sapientiæ uellera de Colchico velut, illo Benedictinorum horto, post erat allaturus. Olympiacum in sacra illa Castinensium Eremita Christi Licæo, simulatq; adolescens percurrisset, ceu Isthmica dexteritate cursum, tandem Neapolim dirigitur Apollinē inuisurus, vbi ad Heliconis docti vndas, immundas lædi mundi ut inuenit illecebrarum aquas, fertur separato riuo Fons Noster, ne commisceatur iniquis. Assuetus enim in arcana cella sese cum plebeo comparare, & rursus prospiciens, paulò ante gustatæ sapientiæ obliuiscit ante funebre sagum & pallium, feralia æternitatis auspicia contemplari, & cultu modò nimio & dibapho, ad apparentem tantum quietem frui; antea firmiores Athlante ceruices incumben-  
tibus negotijs opponere, nunc Virtutum molem libera mente ex-  
secrari; antea in sparta virtutum imbellium affectuum dilabentes re-



tationum colligere riuulos, nunc dispares cogitationum riuuos libenter pari discurrere uarijsq, blandientis mundi nugis, aures afficere, mentemq, inficere, ne cum Prometheo Cleon efficiatur, sed à negotio, totus se recollegit, lacteo Melliflui Doct'oris auctus profluuiis: ubi incipis nolle fieri melior, desinis etiam esse bonus; cum qui non proficit, deficit. Ergo Neapoli tale frigus contraire lentiens, de natura feruentibus suis aquis, timens ne vnde lux, ardentis Diuini amoris, nuper in illis Olympiacis exercitationib' effecta, glacie horrida constringerentur acedia, cuncta famæ ludentis præstigia, quæ mundus ipsi blandiens præsentabat, absq; fame & dolore abominari fecit, Sacramq, Religionem, pronus quæ licuit oculo venerari, properauit. Tu iam absolutissima vitæ sanctioris regula & amussis, vel ipsâ sanctitatis Diui Patriarchæ Tui Face natiua, plusquam Diogenea illustrata, hinc æternè radiatura PP. Prædicatorum, splendidissima FAMILIA, Aquila Tui, utiq, Ioanne, super aquas Aquinaticas Prodroino vsa, per Religionis sacrum Rosarium: floret siquidem odoratis terra benigna rosis, & rosis Marianis; planius dicam stellatum Cælum, quia fulgens Doctis vt stellis: rectos indicando tramites, grata Tanti Hospitis, libenter ostia pandas. Expandas non riuulos, sed plusquam Nyli amplissimas catartas, quia ab Aquinatico Abatho, Sacri opera Mytæ, mananti lynchæ Sulciplas grataster, tantum sapientiæ Fontem, actutum non solum tibi, aut toti mundo, profuturum. Putaretis AA. pluuere Cælum gratias, nigroq, sidus grandinare auro; quum Fons Diuinissimus, intra Arculas Sacræ Familiæ morabatur. licet si Erebus euomeret Plutona ipsum, sic actis Furis, actaq, in rabiem Genitrice, vt amarulentâ magis sarcina, quam eximia tum panegyri vel idèd solum digna iudicaretur, quod eius scaturigines luctu & lachrymis non ampliare, aut gentium Aquilonibus, & dissuasionum vadis, impedire contingeret. O Thoma [inquit illa] quæ ista fraus, quod piaculum deopotis adiecis? Ita ne leta medicantes Genitores, letho mundi præuenis? Improbæ hæc solertia ratio, præseculariū turbatū mole, molli se abdicare cultu, ac in quierem obscuram abire: pro delicata aula, stridula auræ; pro clauissima Familia, obicuriſſimo Conuentu frui; pro splendido palatii mundèq; fabricato cælo, cellam librosq, possidere, se p, pulcherrimū nature opus, velut in thecam eboneā eburneāq; versicoloreni ni nreum Habitum, seruare, & non per vniuersum Orbem famâ, cum possis, volitare. Magnum est, post exhaustum elegantis pueritiæ cursum, ad candidum properare, velut ad Iphigeniæ aram, sacerdotium, at longè maiores sunt hostiæ, & longè grandiora Victimarum oblata, à tantis nos doloribus vetare, & domesticis curis, mundanarumue rerum fastidio pressos Saules, Psaltis more, in melan-

cholia



cholia tristis senectæ, recreare. Purpureus Tu, nec fatalis gentis  
 nostræ riuulus, in Eridanos domesticos ampliandus, quem si  
 hinc educere nequivero, instar Scyllæ Minoem amantis, Te  
 Natum, & me ipsum in eadem [o Fili] traham exitia. O turbines!  
 o procellas! o atram in Fontem domesticum tempestatem! Quid ag-  
 is o Theodora? tene later Nostrium Fontem ad meridiem, etiam  
 Acheronte ipso æstuante, frigescere, qui noctis horâ mediâ calecit.  
 Hic iam inter mundi tenebras, quas belle discutit, incensus calido  
 amore Solis iustitiæ à quo dirigitur, minimè minimè curabit has tuas  
 callidas inuentiones. Iam meridiem ingenii consecutus, tuas  
 saporiferas, ad speciem tantum illecebrarum commendationes, ceu  
 Siculum nouit mare. Quantos AA. legitis furores? quantos concio-  
 pitis affectuum, ceu ex Vire Aeolio emissos turbines? non Matrem,  
 sed Thesiphonem tum excitasse, quum nec minis terrefieris, nec mu-  
 neribus placaris nec demum precibus Natum percelli videretur.  
 Hactenus ergo gratiosa Erynnis Theodora, cum ludit vt eludat Tho-  
 mam, nec potest, in rabiem acta, Cocytum bibit Tartari, vt tandem  
 Aquinaticum in cursu impediret Fontem. O cruda Fratrum Helenæ  
 degeneratio? vnus Thomas rapitur, derruditur in subterraneos carceris  
 cuniculos, à Germanis Fratribus, quid dum & à Matre, sola comi-  
 tante innocetia. Sed ehodù nō amica, inimica Parens? tu ne coqueris  
 speperitum Fontem nostrum tua ad ima eius derrusione? an agis  
 Messalam? Centrum fontium esse infima emicantium, disce ex vno  
 Nato (si mereris Natum hunc) Thoma, toties illum cum suauis humi-  
 litatis sulcro ad ima delabi, quoties cælum intendit. Beatus vel tunc  
 decursus aquæ Fontis huius efficietur, quum Castalia Virgo, Tui Filia,  
 Soror Thomæ, crines ad illum lauabit, vt purior ab ipso beatorq,  
 dilcedat. Posteaquam Materni in irritum cecidère conatus, placuit  
 ad insciendum Sacri Fontis limpidissimum nitorem, nouo vi Mer-  
 curij illius quid non moliris o amor perditæ, accensus furoris æstu:  
 nouos at longè primis periculosiores Virtutis casus & procellas dum  
 cōquiris hostis. Absiste lingua, immortali Angelicæ puritati, ne mortali  
 ore derogare videaris, caueas ne dicendis pereas. Verum emendari  
 cōgor *Alis* exue Memnonis nodos lingua, & toti propales Orbis  
 si encomio tanta Virtus vllō extolli nequiverit, saltem rarum, hinc  
 admirandum certaminis cum impudentia pudoris prototypon ex-  
 pandatur. Accedit ad Fontis Sacri beata ostia Cypri Soboles, vo-  
 luptatis fomes, mollissimæ Venustatis femina, ipsum placet Diones ac  
 lubentiarum sculpsile, nisi quod de Anaxitidis holocaustis, se fuisse  
 rettaretur. Arrogans caput, fragrantibus lilijs ac splendidis nitet gem-  
 mis: iam aurei crines, cirros & cincinnos Zephyri flatus delictum  
 ferunt: iam candida frons, serenitatis plena, radiat: iam clara facies

*a conyen*

*Delore*

*v. Sarc*



cum tumidis supercilijs, partim purpuram, partim violas ferunt:  
 iam scintillantes oculi & blandulæ genæ nigrorem cum rosis spi-  
 rant: iam lacteolæ manus, rotundum collum, cæterūq; gracile corpus,  
 narcissi cum ebore splendet; & si conferre placet, quæ olim mira-  
 batur Græcia, umbræ erant & inania somniorum imitamenta; & aurum,  
 in comis Galatæa; & Violæ in palpebris Veneris; & ignis in pupilo-  
 lis Palladis, & ostrum in genis Virginis, & argentum in pedibus  
 Thetidis: cum hoc totum, in hac tota, omnia in vna resplendebant.  
 Putasses monilia ex ebore pendentia, cæli stellas fulsisse, & vestes cor-  
 pori amantitatem præbentes floridam Chloridè putasses. Aspectu &  
 gestu videbatur flexanimos lepores edidisse, omnemq; lenocinii  
 speciem n.uto sermone indicasse. Fons autem noster Mysticus,  
 coinquinatus ne est tanto turbine? absit. AA, imò totus limpidissimus,  
 qui frigidissimus Lybiæ veluti Fons, in ipso diei æstu scatebat. Quid  
 facit infernalis Coccyi astutia temulenta non Diana, sed larua, non  
 Syren, sed Harpyia, addit verba, quibus quandoq; fortissimi hominum  
 animi demoluntur. Tu ne Solus [ inquit illa ] delicatissime Adole-  
 scens alge? Tu ne algore friges? Aliquid bonæ ætatis ludo dandum:  
 Non enim hora maturecere concessum: Rorem suauitatis exclu-  
 dere stultum est: Creare moror plurimos morbos solet, quibus nul-  
 lum malum homini molestius: Dilce ex Sapientum Tripode, illos  
 rum breuissimam ac sollicitissimam ætatem esse, qui præsentia negli-  
 gunt, futura timent. Hæc nisi plura etiam personata lasciuia Nym-  
 pha, imò lympas purissimas, nouis mundi illecebris vt commoue-  
 ret, dulce etiam melos orsa, quod numerofo concentu, certoq;  
 interuallo belle bellando præcinebat. imò [ ah impudentia ] non  
 dextræ distendens dextras, fortè tota se in Fontem nostrum & præ-  
 cipitasse aut impura Castalia, vt saltim vel impetu conturbaret,  
 cum blandis verborum tonis nequiret. Tam nefando impeturuen-  
 ti quæ Fontis Diuinissimi sese tuendi Virtus? Vos AA medite-  
 mini, idem periculum non vitæ, sed castitatis, quod vos tacitos tenet,  
 linguam meam exuberantibus eius irrigatam undis in canendi trium-  
 phum agit. Ehodum diopolaris Virtus: cur audaci inlequeris gra-  
 du, elabentem à conspectu tuo Aquam Aquinaticam? cur ruis in  
 eius versuras? imo hste ocyus gradum siste, menteq; lustra, quid  
 agis? ne te pænitet facti: Et fontibus sunt sua arma: non in Siculis  
 tantum aquis, Eurippiq; fonte, in nostro etiam ex inflammantur  
 faces, quibus Cupidineæ extinguuntur: quandoq; & fuluos vehit  
 vnda leones. & ita est AA mens præcia futuri rectè est ominata.  
 Totus in flammis impij a. noris hætenus Fons Diuinissimus dum  
 incorruptus manet, nouo cælestis ardoris Zelo æstuanti, uberes in-  
 ter lachrymas, assurgit flammatus titio, quo à lictore Aquinatico,  
 plusquam



plusquā Virgiliano, frementis Erebi detestabile fugatur simulacrum.  
O factum non Cedro adamantini latius insculpendum! ô bellum  
perbelle transactum, mentis tabulæ imprimendum? sic à quolibet  
ut talis hostis deuincatur. O Victoria, æternā memoriā ut compre-  
hendaris, non atro sepiæ liquore, sed sacro Musarum murice, fastis in-  
serenda. Aestabat ignibus Acheron, Fons Aquinaticus algebat,  
imò glaciabatur, inter feruentissimos Veseui Tartarei frigebat ignes,  
ut ardentius ferueret in meta. Hic iam hic non dulcisonas mellifluæ  
Atticæ suadæ decet Demosthenis præterlabi periodos, ubi &  
suauissimi puderet Tullium Herculemq, non torrentis fluminis etiā,  
ubi & Isocratæ verba inter ludentia hæsitare, Victrix Diuinissimi Fontis  
extorqueret Maiestas, ubi Periclem in astantē fulminare Latide n ex-  
pediret. Sed desinat Cathedralis Cothurnus, ubi triumphales erigen-  
di arcus, accurrite huc vos ad ministratorij Spiritus Angeli, An-  
gelum imò plusquam Angelum, Angelicū, namq; futurum Doctorem,  
vestro castitatis balneo, seu lorica, aduersus omnes carnis in-  
sultus præcincturi armaturi; armauit etiam ille triumphali Crucis  
Signo postes, posteaquam nigricantes, fumigantis Orci, profligauit  
hostes, sic ubiq; triumphator ut agnosceretur. Sed enim ulterius  
præcinctos zona Fontis nostri fluctus ac profundum scrutemur. Bie-  
nali erumpens carcere Fons noster, ut æstus æquinoctialis, sub ipsum  
Cynthiæ Phæbiq, coitum, omnibus alijs maior, undare, sic hic, qui ad  
irrigandas omnes Romanæ Ecclesiæ terras, labebatur, solitis maxi-  
misq; fluxibus violentior, non iam radices, nec media montium  
stringebat, sed iuga ipsa Celeberrimi Palatini & Parisiensis Parnathi;  
mox secum laturus, non madefacta tantū ipsorum montium latera  
rupesq; abscissas, sed magnarum promontoria regionum, quæ  
fundamentis laborantibus, à continente Ecclesiæ Dei, recesserunt.  
Vbi ne annorum flos & vigor lethali marcesceret Syrio, pretiosissi-  
mam ætatis hæreditatem, ardentissima sapientiæ sit accensam, nec  
suis laticibus extingui valentem, breui Apollinis & Mineræ Fonti-  
bus illis, in doctæ Palladis Emporijs, omnium non sine admiratione  
temperauit; quum omnibus Gratijs Musisq; conspirantibus, splendi-  
do teneri pectoris hospicio, & robur omnis literaturæ, & ipsissimam  
suadæ medullam, & naturæ arcana, philosophando subtilius, & scru-  
tando acutius, absq; mora excæpit. Cæpit statim & Angelicæ do-  
gmata ibidem institutionis, dum primò mirari, post contemplari,  
mox inaccessæ sapientiæ Maiestatem scrutari, eousq, non destitit,  
irretorto oculo intuens Iustitiæ Solem, simulq; Mare sapientiæ Cruci-  
fixam, donec ab ipso Vocis sonitum in sui laudem erumpentem  
*Benedicite me scripsisti Thomas*: audiret. Hinc non suam amplius in  
hoc Musarum Alumno Iulianæ gratiam, nec Syrenes requirebant



suauitatem; cùm illius ingenium vel hoc ipso testimonio, venerandum, plenâ Charitû semper prominebat sapientiâ. Ultra omnium enim vota procedens, triumphales literarum laurus, & palmarum messem ubiq, reportabat: ad Exedrarum quoq, fastigia, ipsa sapientiâ comite, imò Prodomo, palmis iternente viam, etli inuito, ibat; vt Doctores omnes, quanquam doctrinâ & linguarum famâ celeberrimi, vniuersi huiusce ingenio, continerentur. Personare iam audeat, vt lubet tu mens Trochlores, inpetuolè labens surdos reddit omnes, suo è scopulis lapsu rapidus Becca, clariannes, hoc ipso nomen sibi comparantes. Suauiores Noster amænissimus Fons tum edidit sonos, cùm Parisijs Sententiarum Libros, planè Discipulus supra Magistrum explanauit. Gratiore exhibuit sonitus, quum Neomagister, propheticam cælitus sibi datam Thesim. *Rigans montes de superioribus Tuis, de fructu operum Tuorum satiabitur terra,* clarè explicauit. Iam tum felicius Sorbonæ, vel sola à Nominis sorbebant Abyssò, quia Thomas; omnem scientiarum Hippocrenem; quum Diuinissimus Aquinas tam Doctorem, quam Ductorem, profitebatur. Daretur vtinam sermoni meo vel minimum diaphano de Tuo, Fons noster, libare, vt sic sacra Tui fluenta, quæ cælo non nisi capi, æternitate mesurari possunt, Orbi publico intinassent. Intinassent vt vtriusq, hemisphærij Virtutes tibi vestigales feceras, ad eò, vt in mundano Sole, aliquas facilius notaret mundus maculas, quàm illibatis virtutibus Tuis, aliquid naxui impingeret. Vidit, vidit tum Orbis, religiosa sub pietate, excellam mentem; Vidit sapius ab eo Præsulum tiaras calcari; Vidit erudito sub pectore augustum, verèq, Regium animum, ad eò cuncta spermentem ac negligentem, vt dubius ancepsq, fieret mundus, religiosa ne dignitate cali fauores? an sapientiæ candore humanum genus, & pia generositate, vniuersos honores occuparet? Nonne ergo hic erat vnicus, in quo Diuinitati Benè complacuit? Nonne hic Doctorum epitome compendiosa, ingenio Angelus, calamo candidus, robore Achilles, constantia inuictus, inter lumina Ecclesiæ fulgens castitatis coronæ, inter eruditos præualens sapientiæ mitrâ, arescenti penitus scientiæ, opportuno tempore, Fons è Petra eductus. Aruissent vsq, huc limpidissima, in Ecclesiæ humo, longè se explicantia, scientiarum profluvia, nec tam sua fecunditate eam refecissent, distracta tot inerronei sensus riuulos, quot errorum non tam docti, quàm vanâ gloriâ & antiqui astutia, Serpentis inflati, Orbem Vniuersum calamitate errorum inficiebant, leues calami? ni Fontis istius Diuinissimi pura doctrinæ limphâ, primò depurata, postq, plenitudine eius inter se coagulata, lymu n mendorum illum, procul remouente, & per eos suspicacitatem omnem secum ferente, aucta reuixissent. Sacra Bo-

otiz



oris humus, suis cum Colonijs, vniuersum amisisset humorem, nō  
 Aquinaticæ Petreæ aquâ irrigata mansisset. Acquisfando Tuæ Sapi-  
 entię elogia, si immortalis eloquentię tributum in immensum aug-  
 retur, dignè recensuerit? qui Virtutum Tuarum celesti etia n-  
 eloquio, sterilem & inglorium laborem fecisti. Fons Solis in Libia  
 ipso supra Horizonta quadrigis assurgente Phæbo, vt. atras dispellens  
 noctis opacæ tenebras, aureos rutilantis splendoris sui in diem  
 nouum dispergeret radios, feruentissimis (Plinio si credimus) <sup>ebullit vndis.</sup>  
 Aquinatica de Petra eductum Fontem Solis Diui-  
 nissimum, iam æternitatis illucescente die, ad tormentis fatigatum  
 eius cursum, veneremur. Tot ille sapientiæ, scientięq, lymphis vbi  
 irrorasset ac inspersisset totius terræ sacratæ superficiem, quot vos  
 lumina delectu eximia, libros sublimitate excellos, elaborauit: tot  
 conceptuum vndis, vbi irrigasset ac maduisset Orthodoxæ Eccle-  
 siæ faciem, quot fidei dogmata subtilitate peracuta, scripta pon-  
 dere salutaria, reliquit: flagrans summo ardore, has inter mundi  
 tenebras illecebrarum, Fons in nocte, quàm citissimè mari inexhaustæ  
 Sapientiæ per visionem beatificam illabi, Nouæ Fossæ, inuentis  
 cuniculis, suauia dulci susurro resonans Cantica, properauit. Sed  
 cheu D. Doctor Noster? siccine decuit relinquere tua initia?  
 lacteas postponere Candidissimi Ordinis, Prædicatorum Vias, &  
 Cystericiensium melleos arripere cursus siccine decuit? sic sic A:  
 Vniuersum enim vbi irrigauit orbem Fons ceu Paradisi, etiam D.  
 Bernardi, mel & lac ferentem humum, humore suo maduisse non  
 incongruum iudicauit. Enimverò profusissimus Fons Vester  
 Religiosissimi Patres, Martia hæc, toto Orbe clarissima, aqua, licet  
 Nouæ Fossæ, vt Cappadociæ Pyramus, vel Tygris Mesopotamiæ, sub  
 terraneos scrutatur paulisper cuniculos, erupturum breui, & sa-  
 turnini fontis præsagium Vobis allaturum, ne desperetis. In Nouam  
 Fossam, Vel ideo quinquagenarius, conciliato Lugdunensi Con-  
 cilio, irrationalium etiam non sine doloris signo, ruit vt apud Vos  
 imperu Angelico, eò facilius, eò altius, in breui ebulliat: omnes  
 infensos Ecclesiæ Dei hostes, æuiternis in Diuo Patre Dominico  
 sæculis, absorpturus. Cedit iam Tuæ laudi cedit, verè Candida,  
 Purissimæ enim Virginis laudi dicata; D. Dominici Familia, hæc  
 fluens sanctitatis ac sapientiæ, ab isto Fonte in Te transfusa certi-  
 tudo, quâ Vniuersum Orbem multò beatiorem pristino fecisti.  
 Cedit illa gloria, quàm Orbis caput Roma, Doctori Sancto tribuit,  
 in eius, tota ad sacram Congregationem effusa, panegyrim. Ce-  
 dunt illa encomia, quæ D. Aquinati Sorbona, Neapolis, Bononia,  
 Patavium, Lugdunum, nostra Iagellonica Pallas, imò quæq; toto  
 Christiano Orbe, bonarum artium Emporia fulgent, ceu hecatom-  
 D.  
 bem

cunctum = et  
 v. scribe.



bem deuouent & litant. Tibi soli debent æternūmq; debebunt  
cunctæ Coloniæ Nymphæ, perenne exoluere tributum, quod  
ingrauescente ignorantia siccitate, & tetrīs, ob ariditatem ingeniorū,  
per sæcula exurgentibus monstris, nontantum oppressæ, sed iam  
suo & deturbatæ Parnasso, cum lamento: Nos Mula mula, fama q;  
nostra fames, non euanuerunt. Opprimebant toties Aquilonares  
turbines, malecularum mentium, notæ rationis Zephyros, Ethesias  
Boreæ. Gratiæ Parcæ, amantitatem spinæ, & huculq; grauius ea-  
rum imbecillitatem inuasissent hi insultus hostium; ni Taumatur-  
gam Palladis Prouinciæ, Zephyrorum sedem, Metropolitim Intel-  
ligentiarum, Ethesiam aulam, penetral Gratiarum, ceu almam riden-  
tis mundi Voluptatem, Doctor Vester, Religiosissimi Patres erexis-  
set; erectamq; velut inexpugnabile propugnaculum, tot Clypeis,  
*i. sent.* quot argumentorum explosionibus, exarasset. Sed cætera fida reo-  
rum cultes posteritas mirabitur, & ex grata conscientia fide recitabit.

Hi ergo sunt inexhausti è Petra Aquinatica erumpentes Beati Fontis  
Solis latices, qui arescentem linguam meam crasso inexcultæ Orationis  
stylo, Vtinam irrigassent lauius, sic vt totus in applausum, iam trium-  
phantis in sanctis montibus, liqueferem. At stabit in dignam laudem  
coronidem, vel hoc ipsum, quod vbi excelsissima etiam eruditorum ingenia  
non exhaurire aut capere illum sufficiunt, hic & mea pia deficit audacia:  
Quum verò ad exuberantes Tuæ Maiestatis vndas, quod Angelicus sis,  
Fons Sanctissime, pronus occumbo; assurge precor in commune decus nun-  
quam succumbens aduersitatibus D Doctor. Feruentem cruore purpureo  
terram, Martis rabie Bellonæq; æstu adustam, Fons Sacrate, repara, rore q;  
felicitatis Tuæ, deficientem viuifica. Aquæ intoxicatæ veneno Acheron-  
is multæ, populi multi, vndis beatoribus intermixtæ Tuis, sentiant  
tuum iuuamen. Te Doctorem fidei Orthodoxæ, Te Duactorem citra erro-  
res, vt semper, inueniant. Non stillicidium, sed catarractas Petra inexpu-  
gnabilis Ecclesia Christi, quas expectat expectat, Tui inueniat, vt copiosi-  
us beatam messem, Tuis fertilibus irrigata vndis, sortiatur. Quem Sacra  
Christianitas Fontem, eundem & Polonia Abyssum vtinam videat; vt  
ex te mille, contra furentes, ebullientium ab Euxino procellarum, imperus;  
nulle (inquam) veniant & consilia conseruandæ Patriæ salutaria, &  
Asyla. Irriga vltimò & Jagellonicum Parnassum Almam Vniuersitatem.

Cracouiensem, Fontiq; Academico ad Lubranscianam Pinum, ne

Heliconis nostri exarescant Nymphæ, Beatissime Fons, gut-

tam, vtiq; sufficiet. Patrociniij instilla, vt sic conitruantibus

maleuolorum aspectuum, dissipatis nimbis, pacatè

tali Te æternū veneretur cultu, quali

hactenus per me est venerata.

SOLIS FONTEM

D I X I.





